



Sarajevo, 02.04.2021.

Protokol br: 715/2021

Otvoreni postupak za dostavljanje ponuda br. US 004 5/2021

Predmet	Konsultant na poslovima pravne pomoći
Ugovarač	Centar za promociju civilnog društva/CPCD
U okviru projekta	Program osnaživanja nezavisnih medija (IMEP)
Lokacija isporuke	Marka Marulića 2/III, Sarajevo
Kontakt informacije	info@imep.ba
Datum objave zahtjeva za ponudu	02.04.2021.
Krajnji rok za dostavu ponuda	19.04.2021. do 15:00h

O IMEP-u:

Program osnaživanja nezavisnih medija (IMEP) je petogodišnji program Američke agencije za međunarodni razvoj (USAID), koji podržava nezavisnost medija i slobodu izražavanja u BiH, jačanjem održivosti medija, podizanjem kvaliteta medijskog sadržaja, izgradnjom kompetencija novinara, pružanjem pravne podrške medijima i novinarima, kao i aktivnim uključivanjem građana i građanki u medijski prostor, uz snažnu promociju neovisnih medijskih glasova u BiH.

IMEP u BiH implementira Centar za promociju civilnog društva (CPCD).

IMEP je podijeljen na tri osnovne komponente:

- a) Jačanje profesionalnih medija i novinarskih kompetencija kroz grantove za medije i edukacije
- b) Promociju građanskog novinarstva i jačanje kompetencija građana

c) Pravnu podršku medijima i novinarima

U okviru prve dvije komponente IMEP pruža podršku medijima i pojedincima u kreiranju sadržaja i podizanju njihovih kapaciteta putem edukacija, dodjelom grant sredstava i dr.

U trećoj komponenti IMEP zastupa medije i novinare u parnicama klevete koji se protiv njih pokreću subvencionirajući troškove sudskog procesa, pruža krivično pravnu zaštitu, konsultativne usluge novinarima te organizira događaje od interesa za medijsku zajednicu iz pravne oblasti.

Predmet nabavke:

Konsultant/ica će isporučivati sljedeće usluge:

- U suradnji sa angažiranim advokatima voditi i ažurirati ukupnu evidenciju podržanih predmeta sa detaljima spora, uključujući pravne analize podržanih slučajeva.
- Izvršiti sublimaciju pravnih analiza kreiranih od strane angažiranih advokata.
- Definirati teme od zajedničkog interesa za medije i pravosudnu zajednicu, a za potrebe organizacije događaja u okviru pravne komponente IMEP-a. U svrhu ispunjenja ove usluge konsultant/ica će biti u kontaktu sa članovima advokatskog tima, korisnicima IMEP-ovih grant linija i drugim javnim i privatnim medijima u BiH, te menadžerom IMEP-a. Na odobrene teme konsultant/ica će identificirati poznavaoce tematske oblasti, potencijalne predavače, paneliste i druge zainteresirane strane, ispitivati njihovu raspoloživost i dr.
- Vršiti ad hoc monitoring sudskih postupaka finansiranih u okviru IMEP-a, u skladu sa IMEP-ovom metodologijom praćenja sudskih postupaka, te kreirati izvještaje u dogovoru sa ugovaračem. Kako bi se ispunio cilj monitoringa, konsultant/ica će ostvarivati uvid u sudsku zaštitu i postupanje kada je u pitanju zaštita sloboda i prava novinara, te slobode medija. Kroz monitoring sudskih slučajeva koji se odnose na klevetu, te uvida u ugroženost prava i sloboda novinara, odnosno sloboda medija, konsultant/ica će dati preporuke kako unaprijediti postupanje u tim slučajevima.

Uspješnost rada konsultanta/ice će se mjeriti pomoću indikatora koji će biti utvrđeni.

Od angažiranog konsultanta/ice, pored stručnosti, se očekuje: Završen pravni fakultet; Poznavanje medijskog prava i medija u BiH; Snažne analitičke vještine; Iskustvo u radu sa profitnim i neprofitnim sektorom, te radu sa međunarodnim razvojnim organizacijama; Izvrsne vještine sastavljanja teksta sa sposobnošću razmatranja i uključivanja brojnih komentara i prijedloga u kratkom vremenu; Snažne usmene i pismene komunikacijske vještine; Fokusiranost na rezultate i pozitivan stav na povratne informacije; Maksimalna kulturna, rodna, religijska, rasna, nacionalna i starosna osjetljivost i prilagodljivost; Integritet modeliranjem etičkih standarda; Odlično znanje engleskog i bosanskog/ hrvatskog/srpskog jezika;

Jezički zahtjevi:

Ponuda i korespondencija vezana za ponudu između ponuđača i ugovarača komunicira se na jednom od službenih jezika u BiH.

Komunikacija s ugovaračem:

Sve informacije i korespondencija u vezi s ponudom, zahtjevi za pojašnjenjem i druge informacije, ponuđači mogu dobiti isključivo putem e-maila: info@imep.ba, sa naslovom: "US 004 5/2021 – upit". Drugi način korespondencije ugovarač neće smatrati valjanim.

Pitanja se mogu slati do 14.04. 2021. do 15:00h.

Odgovori na pitanja pristigla do roka će se dostaviti najkasnije do 16.04.2021. godine do 15:00h.

Krajnji rok za podnošenje ponude je 19.4.2021. godine do 15.00h.

Priprema ponude:

Ponude se podnose e-mailom.

Potrebna dokumentacija:

- Potpisano uvodno pismo o namjeri izvršenja posla
- CV ponuđača
- Kontakt podaci ponuđača
- Reference (dokumenti u elektronskoj formi ili linkovi urađenih istraživanja)
- Najmanje dvije preporuke
- Finansijska ponuda

Prijava se dostavlja na email adresu info@imep.ba sa naslovom poruke "US 004 5/2021 – ponuda"

Ponuđač je obavezan da pripreme ponude u skladu sa uslovima nabavke. Ponude koje nisu u skladu sa navedenim uslovima, neće se uzeti u razmatranje.

Ponuđač snosi sve troškove nastale u toku pripreme i dostavljanja ponude.

Ponuda mora sadržavati datum i potpis ponuđača sa kontakt informacijama. Ukoliko sadrži više od jedne stranice, potrebno je da sve stranice ponude budu numerisane, na način da je vidljiv redni broj stranice.

Centar za promociju civilnog društva

U roku za podnošenje ponuda, ponuđač može da izmijeni, dopuni ili povuče ponudu. Ponuđač podnosi izmjenu, dopunu ili povlačenje ponude sa naznakom jedne od opcija: „Izmjena/dopuna/povlačenje ponude br. US 004 5/2021“.

Informacije o finansijskoj ponudi:

Cijena ponude se piše brojevima i slovima, a izražava u konvertibilnim markama (KM) u bruto iznosu. Cijena usluge konsultanta/ice će iskazati cijenu punog radnog dana.

Period važenja ponude:

Ponude važe 60 dana, računajući od dana zatvaranja poziva za ponude.

Minimalni uslovi za kvalifikaciju:

Pravo prijave imaju sve fizičke osobe koje imaju završen pravni fakultet, iskustvo u monitoringu sudskih postupaka i kreiranju analitičkih tekstova iz bilo koje pravne oblasti. CV aplikanta detaljno treba da sadrži iskustvo traženo ovim pozivom, linkove autorskih analitičkih ili istraživačkih radova kojima se dokazuju navodi iz CV-a, te najmanje dvije relevantne preporuke sa kontaktima

Kriterij za odabir najbolje ponude:

Ugovarač će donijeti odluku o najuspješnijem kandidatu na osnovu cijene, znanja i iskustva, te najpovoljnijeg omjera između kvaliteta ponude i cijene. Kandidati koji uđu u najuži izbor biće pozvani na online razgovor.

Rok za donošenje odluke o izboru:

Ugovarač će donijeti odluku o izboru najpovoljnijeg ponuđača u roku od 14 dana od proteka krajnjeg roka za dostavu ponuda.

U istom roku će izabrani ponuđač biti obaviješten o prihvatanju ponude kao i drugi ponuđači u postupku nabavke, čija ponuda nije prihvaćena.